



Qershor / Juni 2019

alban.

# A më do ti mua më shumë se këta?

(Gjn 21,15)

---

**Beso dhe hidhu!**  
**Trust and jump!**

**Kontakt:** Meinolf Wacker  
Kirchplatz 7  
59174 Kamen

Mobil.: +49-172-5638432  
Mail: [meinolf.wacker@go4peace.eu](mailto:meinolf.wacker@go4peace.eu)  
Homepage: [www.go4peace.eu](http://www.go4peace.eu)

Të dashur miq të fjalës!

Ai erdhi me shokët e tij nga një vend i Evropës veriore në kampin go4peace në Poloni. Nga telefonata të ndryshme që ne kishim pasur para kampit, më kishte rënë në sy se sa i hapur ishte ai. Dhe kur ai mbërriti në kamp mundahej me gjithë vëmendjen e tij të merrte ne zemer çdo eksperiencë që do të ndodhte në ato ditë, me të rinj nga 15 vende të ndryshme.

Ai ishte rritur në një vend të vogël në Skandinavi. Nëna e tij kishte rrënjët në atë vend, kurse babai vinte nga Afrika veriore. Ai ishte nga një familje mysilmane. Besimin ai e kishte mësuar në familjen e tij si një aksesor shtesë dhe jo si një burim jete. Por, zemra e tij ishte e uritur të gjente këtë burim jete. Kështu ai kishte filluar kërkimin dhe kishte gjetur një komunitet të vogël diasporik. Në këtë komunitet jetonte dhe punonte një prift polak, i cili shoqëronte një grup të rinjsh. Këta të rinj vinin nga vende të ndryshme të botës. Çfarë i bashkonte ata ishte dashuria për Jezusin, të cilin ata e njihnin dhe kishin mësuar ta donin.

Kështu kishte filluar Simoni, (emri i të riut), me thjeshtësi, të fliste me moshatarët e tij për jetën dhe veprat e Jezusit. Në këtë rrugë ishte zhvilluar një miqësi me Jezusin, e cila bëhej gjithmonë e më e thellë. Jezusi ishte kthyer për Simonin në një imazh, jo vetëm historik, por edhe në një imazh të cilin ai „mund ta donte, siç njeriu dashuron një person“ (Madeleine Delbrêl) Kjo ishte një eksperiencë e pakrahasueshme: Jezusi jeton! Jezusi është realitet! Jezusi është dikush! Është dikush si ty!

Dhe kështu si Jezusi pyeti Simon Pjetrin: „A më don?“ dhe më pas, me shikim nga të rinjtë e tij, e pyeti dhe njëherë: „A më don ti mua më shumë se këta?“, kështu e kishte ndjerë edhe Simoni nga Skandinavia këtë pyetje në zemrën e tij. „A më don?“. Për Simonin ishte e qartë, që ai mund të përgjigjej vetëm me jetën e tij dhe kështu ai kërkoi pagëzimin. Ai bëri përgatitje dhe u pagëzua. Ai guxoi këtë hap të madh të jetës së tij: **Beso dhe hidhu! Trust and jump!**